




შესყიდვის ელექტრონული პროცედურის (GEO) საშუალებით შპს „საქართველოს ფოსტის“ მიერ ტვირთისა და ფოსტის
შესამოწმებელი რენტგენული დანადგარის (CPV 38582000) შესყიდვის
დოკუმენტაცია

*წინამდებარე დოკუმენტაცია შედგენილია საქართველოს მთავრობის 2021 წლის 16 აგვისტოს №441 დადგენილებით
დამტკიცებული „შპს „საქართველოს ფოსტის“ მიერ საქონლისა და მომსახურების შესყიდვების სპეციალური წესის“
საფუძველზე*

ქ. თბილისი, 2022 წ.

სარჩევი

1. ინსტრუქცია „შესყიდვის ელექტრონულ პროცედურაში“ მონაწილეთათვის;
2. ზოგადი დებულებები;
3. ერთიან ელექტრონულ სისტემაში წარსადგენი დოკუმენტაციის ჩამონათვალი;
4. ხელშეკრულების პროექტი;
5. დანართი #1, რეკვიზიტები;
6. დანართი #2, ტექნიკური დავალება;
7. დანართი #3, ფასების ცხრილი.

1. ინსტრუქცია „შესყიდვის ელექტრონულ პროცედურაში“ მონაწილეთათვის:

- 1.1 შესყიდვის ელექტრონულ პროცედურაში მონაწილეობის მიღება შეუძლიათ მხოლოდ ერთიან ელექტრონულ სისტემაში (<http://procurement.gov.ge/>) „მიმწოდებლად“ რეგისტრირებულ მომხმარებლებს;
- 1.2 შესყიდვის ელექტრონულ პროცედურაში მონაწილეობის მისაღებად, პრეტენდენტს შეუძლია წარადგინოს წინადადება წინადადების მიღების ვადის დაწყების ეტაპიდან წინადადების მიღების ვადის დასრულებამდე;
- 1.3 წინადადების წარდგენამდე ნებისმიერ პირს აქვს უფლება, სისტემაში გაეცნოს განცხადებასა და დოკუმენტაციას;
- 1.4 წინადადების წარდგენა შესაძლებელია მხოლოდ სისტემის მეშვეობით. პრეტენდენტის შეთავაზება, აგრეთვე უნდა შეიცავდეს ამ დოკუმენტაციით გათვალისწინებულ გარანტიას;
- 1.5 დოკუმენტაციით გათვალისწინებული დოკუმენტების ატვირთვის შემდგომ, პრეტენდენტმა სისტემის შესაბამის ველში უნდა მიუთითოს წინადადების ფასი, რომელიც არ უნდა აღემატებოდეს შესყიდვის ობიექტის სავარაუდო ღირებულებას ან/და უნდა იყოს შესყიდვის ობიექტის სავარაუდო ღირებულებაზე, სულ მცირე, ერთი ბიჯით ნაკლები;
- 1.6 ელექტრონული ვაჭრობის წესი და პირობები განისაზღვრება მოქმედი კანონმდებლობით.

2. ზოგადი დებულებები:

- 2.1 შესყიდვის ელექტრონული პროცედურის (GEO) ფარგლებში საქონლის შესყიდვას ახორციელებს შპს „საქართველოს ფოსტა“. შესყიდვის ობიექტის ტექნიკური დავალება მოცემულია დოკუმენტაციის დანართი N2-ში);
- 2.2 შესყიდვის ობიექტი: შპს „საქართველოს ფოსტის“ მიერ ტვირთისა და ფოსტის შესამოწმებელი რენტგენული დანადგარის შესყიდვა;
- 2.3 შესყიდვის ელექტრონული პროცედურა ჩატარდება ერთიანი ელექტრონული სისტემის მეშვეობით და ასევე, გაიმართება ელექტრონული ვაჭრობა ზემოთ მითითებულ სისტემაში;
- 2.4 შესყიდვის ობიექტის სავარაუდო ღირებულებაა 176300,00 (ასსამოცდათექვსმეტიათასსამასი) ლარი დღგ-ს გარეშე;
- 2.5 შესყიდვის ელექტრონულ პროცედურაში გამარჯვებულად ჩაითვლება ის პრეტენდენტი, რომელიც ვაჭრობის შედეგად დააფიქსირებს ყველაზე დაბალ ფასს და ამასთან, დააკმაყოფილებს დოკუმენტაციით დადგენილ მოთხოვნებს. შესყიდვის ელექტრონულ პროცედურაში ორი ან მეტი მონაწილის მიერ თანაბარი უმცირესი ფასის დაფიქსირების შემთხვევაში, უპირატესობა მიენიჭება იმას, რომელმაც პირველმა მიუთითა აღნიშნული ფასი;
- 2.6 შესყიდვის ელექტრონულ პროცედურაში მონაწილე პირის მიერ წარდგენილი წინადადების ან/და სხვა დოკუმენტების განცხადებასთან ან/და დოკუმენტაციის მოთხოვნებთან შეუსაბამობის შემთხვევაში, კომპანია დაექვემდებარება დისკვალიფიკაციას;
- 2.7 იმ შემთხვევაში, თუ კომისია მიიჩნევს, რომ შესყიდვის ელექტრონულ პროცედურაში მონაწილე პირის მიერ წარმოდგენილ დოკუმენტებში არსებული ინფორმაციის გათვალისწინებით, მიზანშეწონილი არ არის მასთან ხელშეკრულების დადება, კომისიას უფლება აქვს უარი თქვას აღნიშნულ კომპანიასთან ხელშეკრულების გაფორმებაზე;
- 2.8 კომისია წარმოდგენილ წინადადებებს განიხილავს გონივრულ ვადაში და შედეგები გამოქვეყნდება სისტემის მეშვეობით;
- 2.9 ხელშეკრულების პირობები განისაზღვრება წინამდებარე დოკუმენტაციით;
- 2.10 გამარჯვებული პრეტენდენტი ვალდებულია მისი გამარჯვებულად გამოვლენისთანავე მიაწოდოს შემსყიდველს საქონელი ხელშეკრულებაში მითითებულ ვადებში;
- 2.11 მიმწოდებლის მიერ კანონმდებლობით და შესყიდვის ელექტრონული პროცედურის შედეგად ნაკისრი ვალდებულებების შეუსრულებლობის ან/და არაჯეროვანი შესრულების შემთხვევაში, შესაბამისი ორგანიზაცია მიმართავს კომისიას ხელშეკრულების შეწყვეტის თაობაზე საკითხის გადაწყვეტის მიზნით. გადაწყვეტილების მიღების დროს კომისია ხელმძღვანელობს პროპორციულობის, მიზანშეწონილობისა და თანაზომიერების პრინციპებით;
- 2.12 ხელშეკრულების შეწყვეტის შემთხვევაში მიმწოდებელს დაეკისრება შემსყიდველი ორგანიზაციის სასარგებლოდ პირგასამტეხლოს გადახდა, ხელშეკრულების სრულად შეუსრულებლობის შემთხვევაში ხელშეკრულების ღირებულების 20%-ის ოდენობით, ხოლო ნაწილობრივ შესრულების შემთხვევაში, შესასრულებელი (დარჩენილი) ვალდებულების შესაბამისი ღირებულების 10%-ის ოდენობით;
- 2.13 შესყიდვის ელექტრონული პროცედურის ფარგლებში მომსახურების გაწევის ანგარიშსწორება ხორციელდება უნაღდო ანგარიშსწორებით ეროვნულ ვალუტაში. ანგარიშსწორება მიმწოდებელთან განხორციელდება შესყიდვის ობიექტის მიწოდების შემდეგ, მიღება-ჩაბარების აქტების გაფორმებისა და მიმწოდებლის მიერ სასაქონლო ზედნადებისა და საქართველოს კანონმდებლობით დადგენილი შესაბამისი დოკუმენტების წარმოდგენიდან არაუგვიანეს 10 (ათი) სამუშაო დღის განმავლობაში;
- 2.14 შემსყიდველი უფლებამოსილია ხელშეკრულების გაფორმებამდე ნებისმიერ დროს შეაჩეროს / შეწყვიტოს შესყიდვის ელექტრონული პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით;
- 2.15 ამ მუხლის პირველი პუნქტით გათვალისწინებული შემთხვევის დადგომისას, შემსყიდველი არ არის ვალდებული პრეტენდენტებს წარუდგინოს კონკრეტული მტკიცებულებები და დეტალური ინფორმაცია, რომლის საფუძველზეც მიღებულ იქნა შესყიდვის ელექტრონული პროცედურის შეჩერების/შეწყვეტის გადაწყვეტილება;
- 2.16 დოკუმენტაციასთან დაკავშირებული განმარტებების მიღება პრეტენდენტს შეუძლია სისტემის მოდულის – „კითხვა/პასუხის“ მეშვეობით. საკონტაქტო პირები: შორენა ოსკოპელი - 577 33 40 40 sh.oskopeli@gpost.ge და ტექნიკურ საკითხებთან დაკავშირებით გიორგი კვარაცხელია - 591 34 42 32 g.kvaracxelia@gpost.ge.

შენიშვნა:

- შემსყიდველს უფლება აქვს ინფორმაციის/დოკუმენტაციის დაზუსტება, მოთხოვნის პრეტენდენტს. მოთხოვნილი დაზუსტებული დოკუმენტაციის, 3 (სამი) სამუშაო დღის განმავლობაში, წარმოუდგენლობა ან/და არასრულყოფილად წარმოდგენა გამოიწვევს პრეტენდენტის დისკვალიფიკაციას შესყიდვის ელექტრონული პროცედურიდან.
- შესყიდვის ელექტრონულ პროცედურაში მონაწილეობით და წინადადების წარდგენით პრეტენდენტი ავტომატურად გამოხატავს თანხმობას ტექნიკური პირობებით განსაზღვრულ მოთხოვნებზე.
- 2019 წლის 1 იანვრიდან, შემსყიდველი ორგანიზაციები და შესყიდვებში მონაწილეობის მსურველები/პრეტენდენტები/ მიმწოდებლები „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების საფუძველზე ვალდებული არიან, სახელმწიფო შესყიდვებში ერთიან ელექტრონულ სისტემაში ასატვირთ ელექტრონულ დოკუმენტებზე შეასრულონ კვალიფიციური ელექტრონული ხელმოწერა ან/და ეს დოკუმენტები დაამოწმონ კვალიფიციური ელექტრონული შტამპით.

3. ერთიან ელექტრონულ სისტემაში წარსადგენი დოკუმენტაციის ჩამონათვალი:

- 3.1 პრეტენდენტის რეკვიზიტები (საბანკო რეკვიზიტები, ხელმძღვანელობაზე და წარმომადგენლობაზე უფლებამოსილი პირის სახელი და გვარი) დანართი #1-ის შესაბამისად;
- 3.2 ტექნიკური დოკუმენტაცია დანართი #2-ის შესაბამისად (დანართი #2-ის წარმოდგენლობა გამოიწვევს პრეტენდენტის დისკვალიფიკაციას);
- 3.3 ფასების ცხრილი დანართი #3 (დანართი #3-ის წარმოდგენლობა, განუფასებლად წარმოდგენა ან/და მწარმოებელი ქვეყნის, კომპანიის და მოდელის წარმოდგენლობა გამოიწვევს პრეტენდენტის დისკვალიფიკაციას);
- 3.4 შემოთავაზებული დანადგარის მწარმოებელი კომპანიის ხარისხის დამადასტურებელი სერთიფიკატი - ISO 9001, დაცულობა ფირების მიმართ: შესაბამისობაში სტანდარტთან - (Film Safety) ISO 1600 (33 DIN) და CE მარკირების დამადასტურებელი დოკუმენტები;
- 3.5 ინფორმაცია სწავლების (ტრენინგის) ჩატარების და სერტიფიკატების გაცემის უფლებამოსილების შესახებ;
- 3.6 პრეტენდენტის სახელზე მწარმოებელი ფირმის მიერ გაცემული ავტორიზაციის წერილი საქონლის გაყიდვისა და მისი შემდგომი საგარანტიო მომსახურების განხორციელების შესახებ;
- 3.7 წერილობითი თანხმობა ახალი თანამშრომლის გადამზადებისა და მასზე 5.6 პუნქტში მითითებული სერტიფიკატის გაცემის თაობაზე;
- 3.8 „ბირთვული და რადიაციული უსაფრთხოების შესახებ“ საქართველოს კანონის მე-16 მუხლის მე-2 პუნქტის შესაბამისად პრეტენდენტის სახელზე გაცემული საქმიანობის დამადასტურებელი ლიცენზია;
- 3.9 შესყიდვის ელექტრონულ პროცედურაში მონაწილეობის გარანტია, შესყიდვის ობიექტის სავარაუდო ღირებულების 5%-ის ოდენობით;
- 3.10 ელექტრონულ პროცედურაში მონაწილეობის საბანკო გარანტია უნდა იყოს გაცემული საქართველოს კანონმდებლობის შესაბამისად საქართველოში რეგისტრირებული და ლიცენზირებული საბანკო დაწესებულების ან სადაზღვევო კომპანიის მიერ, გამოუთხოვადი და უპირობო, რომლის მოქმედების ვადა 30 (ოცდაათი) დღით უნდა აღემატებოდეს წინადადებების მიღების დასრულების ვადას. გარანტია აგრეთვე უნდა შეიცავდეს პირობების ჩამონათვალს, რომელ შემთხვევებშიც არ მოხდება გარანტიის დაბრუნება პრეტენდენტისთვის:
- 3.6.1. თუ პრეტენდენტი გამარჯვების შემდეგ უარს იტყვის ან სხვაგვარი ქმედებით უარს განაცხადებს შემსყიდველთან ხელშეკრულების გაფორმებაზე;
- 3.6.2. მოხდება პრეტენდენტის დისკვალიფიკაცია შესყიდვის ელექტრონული პროცედურის დროს არაკეთილსინდისიერი ქმედების ჩადენის გამო;
- 3.6.3. პრეტენდენტი უარს იტყვის თავის სატენდერო წინადადებაზე;
- 3.6.4. პრეტენდენტი გამარჯვების შემთხვევაში არ წარაუდგენს ხელშეკრულების შესრულების უზრუნველყოფის გარანტიას.
- 3.11 პრეტენდენტი ვალდებულია, წინადადებების მიღების ვადის დასრულების შემდეგ 3 (სამი) სამუშაო დღის ვადაში უზრუნველყოს შესყიდვის ელექტრონულ პროცედურაში მონაწილეობის გარანტიის დედნის წარდგენა შემსყიდველ ორგანიზაციაში;
- 3.12 გარანტიის დედნის წარდგენის ვალდებულება ვრცელდება მხოლოდ იმ პრეტენდენტზე, რომლის მიერაც დაფიქსირებულ იქნა უდაბლესი ფასი, ხოლო სხვა პრეტენდენტები ვალდებული არიან, გარანტიის დედანი წარადგინონ მხოლოდ სატენდერო კომისიის მოთხოვნის საფუძველზე, თუ კომისია გადავა შერჩევა/შეფასების მიზნით შემდეგი უდაბლესი შეთავაზების პრინციპით მომდევნო პრეტენდენტზე;
- 3.13 იმ შემთხვევაში, თუ პრეტენდენტს წინადადების ვადის დასრულების დროისთვის არ ექნება ტექნიკური დოკუმენტაციის მოთხოვნათა სრული დაცვით ატვირთული გარანტია, პრეტენდენტის შემოთავაზება არ განიხილება და კომისიას შეუძლია მიმართოს წინადადების ყველაზე დაბალი ფასის მქონე მომდევნო პრეტენდენტს;
- 3.14 გარანტია დაბრუნებას ექვემდებარება მიმწოდებლის მიერ ხელშეკრულების დადების ან შესყიდვის ელექტრონული პროცედურის უარყოფითი შედეგით დასრულების ან შეწყვეტის შემთხვევაში, მიმწოდებლისაგან/პრეტენდენტისაგან შესაბამისი მოთხოვნიდან არაუგვიანეს 5 (ხუთი) დღის ვადაში;
- 3.15 გარანტია პრეტენდენტს არ დაუბრუნდება, თუ:
- 3.11.1. თუ პრეტენდენტი გამარჯვების შემდეგ უარს იტყვის ან სხვაგვარი ქმედებით უარს განაცხადებს შემსყიდველთან ხელშეკრულების გაფორმებაზე;
- 3.11.2. მოხდება პრეტენდენტის დისკვალიფიკაცია შესყიდვის ელექტრონული პროცედურის დროს არაკეთილსინდისიერი ქმედების ჩადენის გამო;
- 3.11.3. პრეტენდენტი უარს იტყვის თავის სატენდერო წინადადებაზე.
- 3.11.4. პრეტენდენტი გამარჯვების შემთხვევაში არ წარაუდგენს ხელშეკრულების შესრულების უზრუნველყოფის გარანტიას.
- 3.16 იმ შემთხვევაში, თუ პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა უნდა დაასაბუთოს ფასწარმოქმნის ადეკვატურობა, რომელიც შესაძლებელია დასაბუთდეს სერთიფიცირებული ექსპერტის/აუდიტორის/საშემფასებლო კომპანიის მიერ გაცემული დასკვნით (დასკვნას თან უნდა ახლდეს დასკვნის გამცემი პირის შესაბამისი

უფლებამოსილების/სერტიფიცირების დამადასტურებელი დოკუმენტი), რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

3.17 ხელშეკრულების შესრულების უზრუნველყოფის მიზნით, გამარჯვებულმა მიმწოდებელმა უნდა წარმოადგინოს ხელშეკრულების შესრულების უზრუნველყოფის უპირობო (გარანტიით გათვალისწინებული თანხა შემსყიდველმა უნდა მიიღოს ყოველგვარი დამატებითი განმარტებებისა და მტკიცებულებების წარდგენის გარეშე, პირველი მოთხოვნისთანავე) და გამოუთხოვადი საბანკო გარანტია სახელშეკრულებო ღირებულების 5%-ის ოდენობით. აღნიშნული საბანკო ან/და სადაზღვევო გარანტია წარმოდგენილი უნდა იქნეს ხელშეკრულების გაფორმებამდე და მისი მოქმედების ვადა სულ მცირე 60 (სამოცი) კალენდარული დღით უნდა აღემატებოდეს შესყიდვის ობიექტის მიწოდების ვადას.

3.18 იმ შემთხვევაში, თუ პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე გარანტიის ოდენობა ორმაგდება.

3.19 უპირობო, გამოუთხოვადი ხელშეკრულების შესრულების გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის" მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.

3.20 პრეტენდენტის მიერ წარმოდგენილ ხელშეკრულების შესრულების უზრუნველყოფის გარანტიაში არ უნდა იყოს მითითებული, რომ გარანტია მცირდება შესრულების პროპორციულად.

3.21 გარანტიის ფორმა უნდა იყოს შეთანხმებული შემსყიდველთან.

3.22 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე;

3.23 დოკუმენტის ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

4. ხელშეკრულების პროექტი:
ხელშეკრულება № GEO - 22

ქ. თბილისი

2022წ.

ერთის მხრივ, შპს „საქართველოს ფოსტა“ (შემდგომში - „შემსყიდველი“), მისი ფინანსური დეპარტამენტის უფროსის ლაშა ჯაფარიძის სახით და მეორეს მხრივ, (შემდგომში - „მიმწოდებელი“) მისი დირექტორის სახით, მიმწოდებლის შესყიდვის ელექტრონული პროცედურის წინადადების საფუძველზე, **GEO.....** შესყიდვის ელექტრონული პროცედურის ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას (შემდგომში – „ხელშეკრულება“) შემდეგზე:

მუხლი 1. შესყიდვის ობიექტი

1.1. შესყიდვის ობიექტს წარმოადგენს: **ტვირთისა და ფოსტის შესამოწმებელი რენტგენული დანადგარის შესყიდვა, CPV კოდი: 38582000.**

1.2. შესყიდვის ობიექტის დეტალური აღწერა და პირობები მოცემულია შესყიდვის ელექტრონული პროცედურის დოკუმენტაციაში, რომელიც წარმოადგენს ამ ხელშეკრულების განუყოფელ ნაწილს.

1.3. შესყიდვის ობიექტის დასახელება, ერთეულის ფასი და საერთო ღირებულება მოცემულია ხელშეკრულების დანართ #1-ში, რომელიც წარმოადგენს ამ ხელშეკრულების განუყოფელ ნაწილს.

1.4. შესყიდვის ობიექტის აღწერილობა მოცემულია ხელშეკრულების დანართ #2-ში, რომელიც წარმოადგენს ამ ხელშეკრულების განუყოფელ ნაწილს

მუხლი 2. ხელშეკრულების ღირებულება

2.1. ხელშეკრულების ჯამური ღირებულება შეადგენს ლარს დღგ-ს გარეშე.

მუხლი 3. მხარეთა უფლება-მოვალეობები

3.1. შემსყიდველის უფლება აქვს:

3.1.1. შეამოწმოს შესყიდვის მახასიათებლების შესაბამისობა ხელშეკრულებით გათვალისწინებულ პირობებთან;

3.1.2. რაიმე ნაკლის აღმოჩენის შემთხვევაში, აცნობოს და მოსთხოვოს მიმწოდებელს ნაკლის დაუყოვნებლივ გამოსწორება.

3.1.3. მოითხოვოს მიმწოდებლისგან ხელშეკრულების ჯეროვანი, დროული და კეთილსინდისიერი შესრულება.

3.2. შემსყიდველი ვალდებულია:

3.2.1. უზრუნველყოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად.

3.2.2. დაიცვას ხელშეკრულებით გათვალისწინებული პირობები.

3.3. მიმწოდებელს უფლება აქვს:

3.3.1. მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.

3.4. მიმწოდებელი ვალდებულია:

3.4.1. უზრუნველყოს ხელშეკრულების პირობების შესრულება.

3.4.2. შემსყიდველს მიაწოდოს ხარისხიანი შესყიდვის ობიექტი, რომელიც არ გამოავლენს დეფექტებს.

მუხლი 4. შესყიდვის ობიექტის მიწოდების ადგილი და ვადა

4.1. ხელშეკრულებით გათვალისწინებული შესყიდვის ობიექტის მიწოდების ადგილია: ქ. თბილისი, აეროპორტის მიმდებარე ტერიტორია, შპს „საქართველოს ფოსტა“-ს ტერმინალი.

4.2. ხელშეკრულებით გათვალისწინებული შესყიდვის ობიექტის მიწოდება უნდა განხორციელდეს არაუგვიანეს ხელშეკრულების გაფორმებიდან 45 (ორმოცდახუთი) კალენდარული დღის ვადაში.

მუხლი 5. შესყიდვის ობიექტის მიღება-ჩაბარების წესი

5.1. შესყიდვის ობიექტი მიწოდებულად ჩაითვლება მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ, რომელიც დასტურდება მხარეების ან მათი წარმომადგენლების (უფლებამოსილი პირების) ხელმოწერით.

5.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს შპს "საქართველოს ფოსტის" გენერალური დირექტორის მრჩეველი (საავიაციო უშიშროების საკითხებში) **გიორგი კვარაცხელია.**

5.3. ხელშეკრულების 3.4 პუნქტის შეუსრულებლობის შემთხვევაში შემსყიდველი უფლებამოსილია უარი განაცხადოს მიღება-ჩაბარების აქტის გაფორმებაზე და მოითხოვოს ხელშეკრულების პირობების შესრულება შემსყიდველის მხრიდან რაიმე დამატებითი ხარჯის გაწევის გარეშე.

მუხლი 6. საგარანტიო ვადა და პირობები

- 6.1. საგარანტიო ვადა შეადგენს შესყიდვის ობიექტის საბოლოო მიღებიდან ----- წელს. საგარანტიო მომსახურების ვადის ათვლა დაიწყება შესასყიდი საქონლის მიღება-ჩაბარების აქტის გაფორმებიდან.
- 6.2. „მიმწოდებლის“ მიერ საქონელი მოწოდებული უნდა იქნეს იმ გარანტიით, რომ შესყიდვის ობიექტი საგარანტიო ვადის პერიოდში, სწორი მოხმარების პირობებში არ გახდება უვარგისი ექსპლუატაციისათვის და შეინარჩუნებს კარგ საექსპლუატაციო თვისებებს. შესყიდვის ობიექტს არ უნდა გააჩნდეს ნივთობრივი ნაკლი.
- 6.3. მიწოდებულ შესყიდვის ობიექტის საგარანტიო ვადის მოქმედების პერიოდში ხარვეზის, არაშემსყიდველის ბრალეულობით დაზიანების და დეფექტის მქონე საქონლის, მათ შორის საექსპლუატაციო თვისებების ვადაზე ადრე გაუარესების დაფიქსირების შემთხვევაში, „შემსყიდველი“ უფლებამოსილია მოითხოვოს გამოვლენილი ნაკლის ან ხარვეზის გამოსწორება (თუ ეს შესაძლებელია) ან საქონლის შეცვლა ახლით. აღნიშნულის შესახებ „შემსყიდველი“ ატყობინებს „მიმწოდებელს“ წერილობით ან/და კომუნიკაციის ელექტრონული საშუალებებით (ელექტრონული ფოსტის მეშვეობით), მომწოდებლის ელექტრონულ სისტემაში მითითებულ რეკვიზიტებში მითითებულ ელ. ფოსტის მისამართზე.
- 6.4. გარანტია უნდა მოიცავდეს შესასყიდი საქონლის, როგორც დაზიანებული ნაწილის ახლით შეცვლას, ისე სერვისს.
- 6.5. მიმწოდებელმა საგარანტიო მომსახურების საჭიროების შემთხვევაში პირველადი დიაგნოსტიკური შემოწმება და შეკეთება უნდა განახორციელოს შეტყობინებიდან არაუგვიანეს 5 (ხუთი) კალენდარული დღის ვადაში, ხოლო დეტალის იმპორტის აუცილებლობის შემთხვევაში შეკეთება უნდა განხორციელდეს შემსყიდვალთან შეთანხმებით გონივრულ ვადაში, მაგრამ არაუგვიანეს 30 კალენდარული დღისა.
- 6.6. მხარეთა შეთანხმების გაგზავნის მომდევნო დღიდან აითვლება წუნდებული საქონლის ხარვეზის გამოსწორების ან შეცვლის შემსყიდველთან შეთანხმებული გონივრული ვადა.

მუხლი 7. ანგარიშსწორება

- 7.1. ანგარიშსწორება განხორციელდება უნაღდო ანგარიშსწორებით ეროვნულ ვალუტაში.
- 7.2. ანგარიშსწორების საფუძველია მხარეების უფლებამოსილი პირების მიერ შესყიდვის ობიექტის მიწოდების შემდეგ გაფორმებული მიღება-ჩაბარების აქტი, სასაქონლო ზედნადები და კანონმდებლობით გათვალისწინებული საგადასახადო დოკუმენტაცია.
- 7.3. მიმწოდებელთან ანგარიშსწორება განხორციელდება, მიღება-ჩაბარების აქტის გაფორმების და „მიმწოდებლის“ მიერ სასაქონლო ზედნადებისა და კანონმდებლობით გათვალისწინებული საგადასახადო დოკუმენტაციის წარმოდგენიდან 10 (ათი) სამუშაო დღის ვადაში.

მუხლი 8. საბანკო გარანტიის წამოდგენის პირობები

- 8.1. მიმწოდებელი ვალდებულია წარმოადგინოს ხელშეკრულების შესრულების უზრუნველყოფის უპირობო (გარანტიით გათვალისწინებული თანხა შემსყიდველმა უნდა მიიღოს ყოველგვარი დამატებითი განმარტებებისა და მტკიცებულებების წარდგენის გარეშე, პირველი მოთხოვნისთანავე) და გამოუთხოვადი საბანკო გარანტია სახელშეკრულებო ღირებულების - %-ის ოდენობით. აღნიშნული საბანკო ან/და სადაზღვევო გარანტია წარმოდგენილი უნდა იქნეს ხელშეკრულების გაფორმებამდე და მისი მოქმედების ვადა სულ მცირე 60 (სამოცი) კალენდარული დღით უნდა აღემატებოდეს შესყიდვის ობიექტის მიწოდების ვადას.
- 8.2. იმ შემთხვევაში, თუ ხელშეკრულების ღირებულება არ აღემატება 200 000 ლარს, საბანკო გარანტია არ მოითხოვება.
- 8.3. უპირობო, გამოუთხოვადი ხელშეკრულების შესრულების გარანტია წარმოდგენილი უნდა იქნას საქართველოს ეროვნული ბანკის მიერ ლიცენზირებული საბანკო დაწესებულებიდან ან სსიპ „საქართველოს დაზღვევის სახელმწიფო ზედამხედველობის სამსახურის“ მიერ ლიცენზირებული სადაზღვევო კომპანიიდან, ეროვნულ ვალუტაში - ლარში.
- 8.4. მიმწოდებლის მიერ წარმოდგენილ ხელშეკრულების შესრულების უზრუნველყოფის გარანტიაში არ უნდა იყოს მითითებული, რომ გარანტია მცირდება შესრულების პროპორციულად.
- 8.5. გარანტიის ფორმა უნდა იყოს შეთანხმებული შემსყიდველთან.

მუხლი 9. ხელშეკრულებაში ცვლილებების შეტანა და შეწყვეტა

- 9.1. ხელშეკრულებაში ნებისმიერი ცვლილების ან დამატების შეტანა შესაძლებელია მხარეთა შეთანხმების საფუძველზე, ორივე მხარის მიერ ხელმოწერილი წერილობითი ფორმით.
- 9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 9.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 9.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 9.5. მხარე ვალდებულია 9.4. პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

9.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 10. მხარეთა პასუხისმგებლობა

10.1. მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების პირობების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.

10.2. ერთი მხარის მიერ ხელშეკრულების პირობების შეუსრულებლობის ან არაჯეროვანი შესრულების შემთხვევაში მეორე მხარე უფლებამოსილია მოითხოვოს პირგასამტეხლო შეუსრულებელი ვალდებულების 0.2 %-ის ოდენობით ყოველ ვადაგადაცილებულ დღეზე.

10.3. იმ შემთხვევაში, თუ დაკისრებული პირგასამტეხლოს ჯამური თანხა გადაჭარბებს ხელშეკრულების ჯამური ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

10.4. ხელშეკრულების 9.4. პუნქტით გათვალისწინებული პირობების დადგომის შემთხვევაში შემსყიდველი უფლებამოსილია მიმართოს ხელშეკრულების შესრულების გარანტიის გამცემ დაწესებულებას და გამოითხოვოს გარანტიით გათვალისწინებული თანხა.

10.5. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

10.6. 9.4 პუნქტით გათვალისწინებული შემთხვევის დადგომისას, შემსყიდველი უფლებამოსილია ხელშეკრულების პირობების შეუსრულებლობისათვის მოითხოვოს პირგასამტეხლო ხელშეკრულების საერთო ღირებულების 20%-ის ოდენობით.

მუხლი 11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

მუხლი 12. დაუძლეველი ძალა

12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ. წინააღმდეგ შემთხვევაში, შესაბამისი მხარე არ თავისუფლდება ნაკისრი ვალდებულებების შესრულებისაგან.

12.2. მხარეთა პასუხისმგებლობა და ვალდებულებები განახლდება ფორს-მაჟორული გარემოებების დასრულებისთანავე.

მუხლი 13. სადავო საკითხების გადაწყვეტა

13.1. ხელშეკრულების შესრულებისას მხარეთა შორის წამოჭრილი დავები შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2. თუ მხარეები მოლაპარაკების დაწყებიდან 10 (ათი) კალენდარული დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოში მოქმედი კანონმდებლობის შესაბამისად.

მუხლი 14. ხელშეკრულების მოქმედების ვადა

14.1. წინამდებარე ხელშეკრულება ძალაში შედის მხარეთა მიერ მათი ხელმოწერის დღიდან და მოქმედებს 2021 წლის ____ ჩათვლით.

მხარეთა რეკვიზიტები და ხელმოწერები:

„შემსყიდველი“

შპს „საქართველოს ფოსტა“
ს/კ: 203836233
მის: ქ. თბილისი, სადგურის მოედანი #2
ტელ: (032) 234 59 76
ს.ს. „საქართველოს ბანკი“
ბანკის კოდი: BAGAGE22

„მიმწოდებელი“

შპს:
ს/კ:
მის:
ტელ:
ს.ს.
ბანკის კოდი:

ა/ნ # GE13BG0000000123286800

ანგარიშის #

ლაშა ჯაფარიძე
ფინანსური დეპარტამენტის უფროსი

დირექტორი

რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის სახელი და გვარი: _____

პრეტენდენტის იურიდიული და ფაქტიური მისამართი: _____

საიდენტიფიკაციო კოდი: _____

პრეტენდენტის ტელეფონის ნომერი: _____

ელექტრონული მისამართი / ელ-ფოსტა: _____

ბანკის დასახელება: _____

ბანკის კოდი/ SWIFT: _____

ანგარიშსწორების ანგარიში: _____

შესყიდვის ობიექტის ტექნიკური დავალება

1. ზოგადი ინფორმაცია

შესასყიდი რენტგენული დანადგარის რაოდენობა შეადგენს 1 (ერთი) ერთეულს. მისი ამოცანაა უზრუნველყოს ტვირთისა და ფოსტის სრულფასოვანი შემოწმება საავიაციო უშიშროების დადგენილი ნორმებისა და წესების შესაბამისად.

2. მოთხოვნილი მინიმალური მახასიათებლები რენტგენული სკანერის მიმართ:

- 2.1 პროექცია: მინიმუმ ორი პროექციით (Dual View Technology).
- 2.2 გვირაბის ზომები: არანაკლებ 1000მმ x 1000მმ (სიგანე, სიმაღლე).
- 2.3 კონვეირის სიჩქარე: არანაკლებ 0,2 მ/წ.
- 2.4 ოპერაციული სისტემა: Linux ან არანაკლებ Windows.
- 2.5 გასატარებელი ბარგის წონა: არანაკლებ 200კგ.
- 2.6 გამოსხივების მაქსიმალური დოზა: არაუმეტეს 1μGy/h (კორპუსიდან 10სმ-ში).
- 2.7 დაცულობა ფირების მიმართ (Film Safety) და შესაბამისობაში სტანდარტთან: ISO 1600 (33 DIN).
- 2.8 შეღწევადობა: არანაკლებ - 26მმ.
- 2.9 გარჩევადობა: არანაკლებ - 30AWG.
- 2.10 გამოსახულების გადიდების შესაძლებლობა: არანაკლებ 32-ჯერ.
- 2.11 სკანირების შესაძლებლობა: ორმხრივი.
- 2.12 გამოსახულების ფერი: მინიმუმ 4 ფერი.
- 2.13 გამოსახულების ავტომატური არქივირება: არანაკლებ 20 000 ერთეული.
- 2.14 ბორტის სიმაღლე: დიაპაზონში 20სმ - 65სმ.
- 2.15 საფრთხის შემცველი ან/და მაღალი სიმჭიდროვის მქონე ნივთიერების (მოლეკულათა ისეთი სიმჭიდროვე, რომელშიც მოთხოვნილი პარამეტრების შესაბამისი დანადგარის რენტგენის სხივი, ვერ აღწევს და საჭიროებს დამატებით შემოწმებას) ავტომატური აღმოჩენის ფუნქცია.
- 2.16 საფრთხის გამოსახულების პროექტირების პროგრამული უზრუნველყოფის მხარდაჭერა (**TIP** – Threat Image Projection): 250 სხვადასხვა სახიფათო ნივთის არანაკლებ 1000 გამოსახულების შემცველი ბიბლიოთეკით (შესაბამისობაში, სსიპ - სამოქალაქო ავიაციის სააგენტოს დირექტორის 2016 წლის 20 სექტემბრის №125 ბრძანების, სამოქალაქო ავიაციის სფეროში უშიშროების საკითხებში მომზადების პროგრამის მუხლი 22-ში მოცემულ მოთხოვნებთან).

3. მაკომპლექტებელი დეტალები და მათი ზომები:

- 3.1 შესამოწმებელი და შემოწმებული ბარგის მიმღები როლერები ზომებით: სიმაღლე და სიგანე თავსებადი X-Ray დანადგართან (დანადგარის ბორტის სიმაღლისა და გვირაბის სიგანის შესაბამისი), რაც შეეხება სიგრძეს:
 - ბარგის მიმღები მხრიდან (წინა მხარე) - არანაკლებ 250სმ და არაუმეტეს 300სმ.
 - ბარგის გამცემი მხრიდან (უკანა მხარე) - არანაკლებ 250სმ და არაუმეტეს 300სმ.
- 3.2 ოპერატორის სამუშაო 1 (ერთი) მაგიდა ზომები (სიმაღლე, სიგანე, სიღრმე): არანაკლებ 65სმ x 85სმ x 55სმ და არაუმეტეს 75სმ x 130სმ x 65სმ.
- 3.3 თხევადკრისტალური (LCD) 2 (ორი) მონიტორი ეკრანის ზომით - არანაკლებ 21".
- 3.4 სრული ტექ. დოკუმენტაცია.
- 3.5 რენტგენული სკანერის კორპუსის მექანიკური გასაღებ(ებ)ი (არსებობის შემთხვევაში).

4. მოთხოვნილი სტანდარტები

- 4.1 CE მარკირება - წარმოდგენილი შესაბამისი დოკუმენტის სახით და ხარისხის სერტიფიკატი ISO:9001 (ბოლო რედაქცია).
- 4.2 „ბირთვული და რადიაციული უსაფრთხოების შესახებ“ საქართველოს კანონის მე-16 მუხლის მე-2 პუნქტის შესაბამისად პრეტენდენტის სახელზე გაცემული საქმიანობის დამადასტურებელი ლიცენზია.

5. ვალდებულებები მომწოდებლის მიმართ

- 5.1 მიმწოდებელს უნდა გააჩნდეს მწარმოებელი ფირმის ავტორიზაცია საქონლის გაყიდვისა და მისი შემდგომი საგარანტიო მომსახურების განხორციელების შესახებ;
- 5.2 ესპლუატაციაში არ ნამყოფი დანადგარის (ქარხნული შეფუთვით) მიწოდება დამკვეთის მიერ მითითებულ მისამართზე: შ.პ.ს. „საქართველოს ფოსტა“ (თბილისის საერთაშორისო აეროპორტის მიმდებარე ტერიტორია);
- 5.3 დანადგარის მონტაჟი და შემდგომი ტესტირება;
- 5.4 მიმწოდებლის მიერ ინსტალირების შემდგომი შემოწმება რადიაციული დასხივების დოზიმეტრით და დადასტურება შესაბამისი ხელმოწერილი დოკუმენტით.
- 5.5 დანადგარის ესპლუატაციის პერიოდში შუამდგომლობა დამამზადებელთან სათანადო ნაწილების შეძენასთან დაკავშირებით.
- 5.6 შემსყიდველის მოთხოვნის საფუძველზე, დანადგარის შემდგომი ტექნიკური მომსახურების გასაწევად, შემსყიდველი ორგანიზაციის მინიმუმ 1 და მაქსიმუმ 3 თანამშრომლის გადამზადება და მათზე მწარმოებლის ან მწარმოებლისგან უფლებამოსილი პირის მიერ შესაბამისი ტექნიკური მხარდაჭერის უვადო სერტიფიკატების გაცემა.
- 5.7 მიმწოდებელმა წერილობით უნდა განაცხადოს თანხმობა ახალი თანამშრომლის გადამზადებისა და მასზე 5.6 პუნქტში მითითებული სერტიფიკატის გაცემის თაობაზე.
- 5.8 დანადგარის საბოლოო მიღება-ჩაბარების აქტით გადაცემამდე, სსიპ - სამოქალაქო ავიაციის სააგენტოს მოთხოვნის შესაბამისად TIP ფუნქციონალის პარამეტრ(ებ)ის ცვლილების, არქივირებული ფაილების და TIP შედეგების ამოღების მიზნით სისტემაში სრული წვდომის, ასევე საგარანტიო ვადის გასვლის შემდგომი ტექნიკური მხარდაჭერის გაწევისთვის, შემსყიდველ ორგანიზაციაზე პაროლ(ებ)ის (სრული პაკეტის) გადაცემა, თუ პაროლით იქნება დაცული X-Ray აპარატის კომპიუტერის BIOS, ამავე კომპიუტერის ოპერაციულ სისტემის შეზღუდული ან/და ადმინისტრატორის უფლების მქონე მომხმარებელი, პროგრამული უზრუნველყოფის სრული კონფიგურაციის მთავარი მენიუ.
- 5.9 საგარანტიო პერიოდში დანადგარ(ებ)ის მწყობრიდან გამოსვლის შემთხვევაში, მწყობრიდან გამოსული ან/და დაზიანებული ოპერაციული სისტემის, პროგრამული უზრუნველყოფის, ელექტრონული თუ ფიზიკური დეტალ(ებ)ის ან/და ნებისმიერი სხვა გამოვლენილი ხარვეზ(ებ)ის შემთხვევაში, მათი ადგილზე შეკეთება და დაზიანების ტიპიდან გამომდინარე პრობლემის უმოკლეს, გონივრულ ვადებში აღმოფხვრა.
- 5.10 ქარხნული წუნის აღმოჩენის შემთხვევაში, სკანერის/დეტალის დაუყოვნებლივ შეცვლა.
- 5.11 მიწოდებულ აპარატზე არანაკლებ 5 (ხუთი) წლიანი გარანტია.

6. ვალდებულებები შემსყიდველის მიმართ

„შემსყიდველი“ ვალდებულია დროულად მიაწოდოს „მიმწოდებელს“ ინფორმაცია აპარატის განთავსების ადგილის შესახებ და უზრუნველყოს აპარატის განთავსების ადგილი კვების წყაროთი.

შესყიდვის ობიექტის მიწოდების ვადა: ხელშეკრულების გაფორმებიდან 120 (ასოცი) კალენდარული დღე.

შესყიდვის ობიექტის მიწოდების ადგილი: ქ.თბილისი, აეროპორტის მიმდებარე ტერიტორია - შპს „საქართველოს ფოსტა“-ს ტერმინალი.

ფასების ცხრილი

პრეტენდენტის დასახელება: _____

#	შესყიდვის ობიექტის დასახელება	რაოდენობა	ერთეულის ფასი	საერთო ღირებულება	საგარანტიო ვადა	მწარმოებელი ქვეყანა კომპანია მოდელი
1	ტვირთისა და ფოსტის შესამოწმებელი რენტგენული დანადგარი	1 ცალი				

უფლებამოსილი პირი (თანამდებობა/სახელი, გვარი): _____

ხელმოწერა/ზეჭკედი: _____